

LACTUCA DUBIA Jord.

L. racemis virgineis nutantibus, involucri foliolis minutè asperis subimpresso-punctatis lanceolatis obtusis, inferioribus basi dilatata se invicem paulò obtegentibus, corollis sub 17, ligulis pallidè flavis extùs lividis subviolaceis stylos parùm superantibus, akeniis cinereo-olivaceis obovato-oblongis basi et apice angustatis utroque latere nervis 6-8 percussis supernè subtiliter ciliatis cæterùm glabris pappi stipitem *aequantibus*, foliis *oblongis integris* pallidè virentibus carinà aculeatis, margine mucronato-dentatis radicalibus in petiolum angustatis caulinis basi sagittatis-erecto-patulis, ramealibus linearibus acutis, caule infernè aspero parùm lactescente erecto ramoso, ramis erecto-patulis, superioribus fastigiatis, radice annuâ.

L. scariola var. *integrifolia* auct. mult.

Hab. in locis siccis, ad sepes et marginem agrorum propè *Lyon*, *Grenoble*, etc., haud infrequens. — Fl. augusto semper, nunquam julio ut *L. virosa* L. vel *L. flavida* Jord.

A simillimâ *L. scariolâ* L. differt, præter folia integra, involucri foliolis exterioribus basi latioribus magis se invicem obtegentibus, ligulis involucri paulò magis stylos autem leviter recurvatos paulò minùs superantibus. — Utramque colui per octo annos. *L. pseudo-virosa* C. Schultz et *L. angustana* All. sunt species ab utrâque præcedente planè diversæ. Eas pariter colui.

LACTUCA SCHIMPERI Jord.

L. racemis virgineis erectis, involucri foliolis minutè punctato-scabris, exterioribus duplò brevioribus lanceolatis basi paululùm se invicem obtegentibus, interioribus lineari-lanceolatis imò apice